

129

152

25-01-2016

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje, nauku
i mlade



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and
Youth

Broj: 11-04-38- 31662 /15
Sarajevo, 18.01.2016. godine

SKUPŠTINA KANTONA SARAJEVO
n/r Ane Babić, predsjedavajuća Skupštine Kantona Sarajevo

-ovdje-

ZASTUPNIČKO PITANJE

Poslanik /zastupnik Zvonko Marić na Devetoj Radnoj sjednici Skupštine Kantona Sarajevo, održanoj dana 21.12.2015.godine, u okviru tačke Dnevnog reda, „Zastupnička pitanja, inicijative i odgovori“ u skladu sa Poslovníkom Skupštine Kantona Sarajevo, postavio je poslaničko / zastupničko pitanje: „Budući da nejasnoće koje se stalno pojavljuju oko legaliteta i legitimiteta Sindikata osnovnog obrazovanja u Kantonu Sarajevo, molim resorno ministarstvo u saradnji sa ministarstvom za rad, socijalnu politiku, raseljena lica i izbjeglice i naravno uz konsultaciju sa ministarstvom pravde i uprave da se definitivno razriješe dileme ko je, i na osnovu čega socijalni partner u pregovorima sa Vladom KS?

Takođe pitao sam da li je princip reprezentativnosti odnosno brojnosti, pravna kategorija i pravni argument. Razrješavanjem ovih nejasnoća sigurno da bi bio rasterećen i obrazovni sistem i da bi se razjasnilo ko zapravo predstavlja interese prosvjetara?“

ODGOVOR

Ministarstvo za obrazovanje, nauku i mlade Kantona Sarajevo, informisano je od strane Ministarstva pravde i uprave Kantona Sarajevo da Kantonalni sud u Sarajevu nije donio odluku po tužbi od strane Samostalnog sindikata osnovnog obrazovanja i odgoja F BiH protiv tuženog Ministarstva pravde i uprave Kantona Sarajevo radi poništenja rješenja o upisu Udruženja samostalni sindikat osnovnog obrazovanja i odgoja Kantona Sarajevo u Registar udruženja.

Takođe je upoznato da Samostalni sindikat osnovnog obrazovanja i odgoja F BiH – Kantonalni odbor Samostalni Sindikat Osnovnog obrazovanja i odgoja Kantona Sarajevo nije upisan u Registar udruženja koji se vodi kod Ministarstva pravde i uprave Kantona Sarajevo.

Nakon što Kantonalni sud u Sarajevu donese odluku po predmetnoj problematici, konačno će biti razriješene nejasnoće oko legaliteta i legitimiteta Sindikata osnovnog obrazovanja i odgoja u Kantonu Sarajevo.

Ministarstvo za obrazovanje, nauku i mlade Kantona Sarajevo takođe je upoznato od strane Ministarstva za rad, socijalnu politiku, raseljena lica i izbjeglice da se Zahtjevi za utvrđivanje



web: <http://www.monks.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



reprezentativnosti, upućeni od strane oba pomenuta sindikata (1. Savez samostalnih sindikata BiH – Samostalni sindikat osnovnog obrazovanja i odgoja FBiH – Kantonalni odbor SSOOiO Kantona Sarajevo i 2. Udruženje samostalni sindikat osnovnog obrazovanja i odgoja Kantona Sarajevo), trenutno nalaze u postupku rješavanja, odnosno pribavljanja dokaza i utvrđivanja činjenica koje su od važnosti za donošenje zakonitog i pravilnog rješenja – što u osnovi znači da se do sada ni jednom od navedenih sindikata nije utvrdila reprezentativnost.

Nakon razjašnjenja naprijed navedenog, Ministarstvo će imati informaciju ko je i na osnovu čega socijalni partner u pregovorima sa Vladom Kantona Sarajevo, te da li je princip reprezentativnosti, pravna kategorija i pravni argument.

S poštovanjem,



MINISTAR

Prof. dr. Elvir Kazazović

